

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE CULTURA E TURISMO E A ASOCIACIÓN NACIONAL DE FABRICANTES DE CONSERVAS DE PESCADOS Y MARISCOS (ANFACO-CECOPECA) PARA XERACIÓN DE RECURSOS DIXITAIS ACCESIBLES PROCEDENTES DO ESCANEO E TRATAMENTO BIBLIOGRÁFICO DA PUBLICACIÓN “INDUSTRIA CONSERVERA” E DESTINALOS A SÚA INTEGRACIÓN NO REPOSITORIO DE GALICIANA-BIBLIOTECA DIXITAL DE GALICIA

O Director Xeral de Políticas Culturais da Consellería de Cultura e Turismo,

DECLARA:

Que esta Dirección Xeral ten previsto formalizar coa Asociación Nacional de Fabricantes de Conservas de Pescados y Mariscos (ANFACO-CECOPECA) o convenio arriba referido por un período de vixencia que abrangue dende a sinatura do dito convenio ata a realización do seu obxecto e do cumprimento dos compromisos acordados. O prazo máximo de execución será de tres meses, a contar desde a data na que a Consellería adxudique os traballos, despois da correspondente licitación pública.

Que o convenio ten por obxecto a xeración de recursos dixitais accesibles procedentes da dixitalización sistemática e da asignación de metadatos da publicación “Industria conservera” depositada na sede de **Museo ANFACO de la Industria Conservera**, coa finalidade de mellorar o acceso ao contido de dita publicación e lograr a súa preservación, integrándoos no repositorio Galiciana-Biblioteca Dixital de Galicia (Galiciana-BDG). O rango cronolóxico obxecto do proceso de dixitalización vinculado a este convenio será o dos números da revista publicados desde 1934 a 1950.

Que existe converxencia de intereses entre as entidades asinantes en orden á consecución do obxecto referido.

Que o convenio que se pretende asinar se fundamenta no seguinte:

- Galiciana-BDG, impulsada pola Consellería de Cultura e Turismo a través da Dirección Xeral de Políticas Culturais, ten como un dos seus principais obxectivos a conservación e difusión do patrimonio hemerográfico galego.



Xacobeo 2021





- Reducir a manipulación e o uso de materiais orixinais fráxiles ou utilizados intensivamente e crear unha “copia de seguridade” para o material deteriorado como o da prensa histórica é unha das prioridades de todo proxecto de dixitalización.
- **ANFACO-CECOPECA** é a persoa xurídica titular dos dereitos de propiedade intelectual da revista “Industria conservera”, vicedecana da prensa técnica e publicación fundamental para o estudo do sector da conserva en España, e como tal correspóndelle o dereito exclusivo á explotación da obra, sen máis limitacións que as establecidas no *Real Decreto Lexislativo 1/1996, do 12 de abril, polo que se aproba o texto refundido da Lei de Propiedade Intelectual, regularizando, aclarando e harmonizando as disposicións legais vixentes sobre a materia*.
- O **Museo ANFACO de la Industria Conservera** posúe unha colección case completa en papel da revista “Industria conservera”. Dixitalizaranse os exemplares da colección da Biblioteca Pública de Pontevedra cando se atopen ausencias de números e/ou páxinas nos fondos depositados no Museo ANFACO da revista “Industria Conservera”.
- Un dos obxectivos de Galiciana-BDG é tratar de completar dixitalmente as coleccións de prensa histórica galega para tratar de ofrecer aos usuarios a información máis completa posible e facilitarlles un punto único de acceso.
- A revista “Industria conservera” é unha referencia nas publicacións do sector da conserva, non só no ámbito galego, senón tamén en toda España, polo que a Consellería considera que sería de interese a súa dixitalización sistemática, fomentando así o seu acceso dixital e garantindo a súa preservación a través das novas tecnoloxías.
- Levar adiante un proceso de dixitalización sobre a colección da revista “Industria conservera” melloraría os servizos para os usuarios en xeral, proporcionando un acceso de maior calidade aos recursos da Consellería en relación ca educación e a formación continua.
- O proxecto de dixitalización da publicación “Industria conservera” cumpriría con todos os requisitos para incrementar a colección de Galiciana-BDG e lle permitiría unha difusión máis ampla grazas a participación de Galiciana nos proxectos de Hispana e Europea.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos





contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asíñase dixitalmente esta memoria en Santiago de Compostela

O director xeral de Políticas Culturais
Anxo M. Lorenzo Suárez

